

書名 近思錄十四卷 嘉靖六年
刊本
撰者 宋 朱熹、呂祖謙 同輯
卷 卷十一
內容分類 子·儒家·性理·宋
索書號 大木·子部·儒家類·6
編號 C4514300

卷十一



彩色首頁1

東洋文化研究所漢籍目錄 編號: C4514300

東洋文化研究所漢籍目錄所藏漢籍善本全文影像資料庫 索書號: 大木·子部·儒家類·6

漢籍善本全文影像資料庫文本近思錄十四卷 嘉靖六年刊本

版權所有: 東京大學 東洋文化研究所
使用上的注意事項

濂溪先生曰無極而太極太極動而生陽動而靜靜而生陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生也各一其性無極之貞二之精妙合而凝乾道成男坤道成女二氣交感化生萬物萬物生生而變化無窮焉惟人也得其

道體篇

卷之一

九五十一條



5 1 2 3 4 5 6 7 8 9 2

上海圖書館藏




近思錄卷之十一

九三十一條

教人篇

四木印

濂溪先生曰剛善為義為直為斷為嚴毅為幹
 固惡為猛為隘為強梁柔善為慈為順為異惡為
 懦弱為無斷為邪佞惟中也者和也中節也天下
 之達道也聖人之事也故聖人立教俾人自易其
 惡自至其中而止矣○伊川先生曰古人生子能
 食能言而教之大學之法以豫為先人之幼也知
 思未有所主便當以格言至論日陳於前雖未曉



知是言熏聒使盈耳充腹久自安習若固有之雖以他言惑之不能入也若為之不豫及乎稍長私意偏好生於內衆口辨言鑠於外欲其純完不可得也○觀之上九曰觀其生君子無咎象曰觀其生志未平也傳曰君子雖不在位然以人觀其德用為儀法故當自慎省觀其所生常不失於君子則人不失所望而化之矣不可以不在於位故安然放意無所事也○聖人之道如天然與衆人之識甚殊邈也門人弟子既親炙而後益知其高

遠然若不可及則趨望之心怠矣故聖人之教常俯而就之專上臨喪不敢不勉君子之常行不困於酒尤其近也而以已處之者不獨使夫資之下者慙思企及而才之高者亦不敢易乎近矣○明道先生曰憂子弟之輕俊者只教以經學念書不得令作文字子弟凡百玩好皆奪志至於書札於儒者事最近然一向好者一自喪志如王廙顏柳輩誠為好人則有之曾見有善書者知道否平生精力一用於此非惟徒廢時日於道便有妨處

足知喪志也。○胡安定在湖州置治道齋學者有欲明治道者講之於中如治民治兵水利算數之類嘗言劉彝善治水利後累為政皆興水利有功。○凡立言欲涵蓄意思不使知德者厭無德者惑。○教人未見意趣必不樂學欲且教之歌舞如古詩三百篇皆古人作之如關雎之類正家之始故用之鄉人用之邦國日使人聞之此等詩其言簡奧今人未易曉欲別作詩畧言教童子洒掃應對尊長之節今朝夕歌之似當有助。○子盾子以禮教

學者取善使學者先有所據守。○語學者以所見未到之理不惟所聞不深徹久將理低看了。○舞射便見人誠古之教人莫非使之成己自洒掃應對上便可到聖人事。○自幼子常視無誑以上便是教以聖人事。○先傳後倦君子教人有序先傳以小者近者而後教以大者遠者非是先傳以近小而後不教以遠大也。○伊川先生曰說書必非古意轉使人薄學者須真潛心積慮浸淫涵養使之自得今日說書只是教得薄至如漢文時說下帷

講誦猶未必說書。古者八歲入小學十五入大學
擇其才可教者聚之不肖者復之農。訟者止農不
易業既入學則不治農然後士農判在學之養若
士大夫之子則不慮無養雖庶人之子既入學則
亦必有養古之士者自十五入學至四十方仕中
間自有二十五年學又無利可趨則所志可知須
去趨善便自此成德後之人自童稚間已有汲汲
趨利之意何由得向善故古人必使四十而仕然
後志定口營衣食却無言性利祿之誘取言入。

天下有老少才只為道不明於天下故不得有

成就且古者興於詩立於禮成於樂如今人怎生
會得古人於詩如今人歌曲一般雖問卷童稚皆
習聞其說而曉其義故能興起於詩後世老師宿
儒尚不能曉其義怎生責得學者是不得興於詩
也古禮既廢人倫不明以至治家皆無法度是不
得立於禮也古人有歌詠以養其性情聲音以
養其耳目舞蹈以養其血脈今皆無之是不得成
於樂也古之成材也易今之成材也難○孔子教

人不憤不啓不悱不發蓋不待憤悱而發則知之
不固待憤悱而後發則沛然矣學者須是深思之
思之不得然後為他說便好初學者須是且為他
說不然非獨他不曉亦止人好問之心也○橫渠
先生曰恭敬撝節退讓以明禮仁之至也愛道之
極也已不勉明則人無從倡道無從弘教無從成
矣○學記曰進而不顧其安使人不由其誠教人
不盡其材人未安之又進之未喻之又告之徒使
人生此節目不盡材不顧安不由誠皆是施之

教人至難必盡人材乃不誤人觀可及處然
告之聖人之教直若庖丁之解牛皆知其隙乃投
餘地無全牛矣人之才足以有為但以其不由於
誠則不盡其才若曰勉率而為之則豈有由誠哉
○古之小兒便能敬事長者與之提攜則兩手奉
長者之手問之掩口而對蓋稍不敬事便不忠信
故教小兒且先安詳恭敬○孟子曰人不足與適
也政不足與聞也唯大人為能格君心之非非惟
君心至於朋游學者之際彼雖議論異同未欲深

較惟整理其心使歸之正豈小補哉

近思錄卷之十一

近思錄卷之十二

凡三十三條

警戒篇

濂溪先生曰仲由喜聞過令心無窮焉今人有過
不言人規如護疾而忌醫寧滅其身而無悟也噫
○伊川先生曰德善日積則福祿日臻德踰於祿
則雖盛而非滿自古隆盛未有不失道而喪敗者
也○人之於豫樂心說之故遲遲遂至於耽戀不
能已也豫之六二以中正吉曰守其介如石其去之
速不俟終日故貞正而吉也處豫不可安且久也